

清・錢塘丁丙撰輯

武林掌故叢編
5

台聯國風出版社
華文書局
聯合印行

武林掌故叢編目錄

第九集

山游倡和詩一卷 宋釋契嵩編

錢塘賦一卷 宋葛澧撰

西湖雜記一卷 明黎遂球撰

南宋院畫錄八卷 國朝厲鶚撰

蘇祠從祀議一卷 國朝吳騫撰

西湖記游一卷 國朝張仁美撰

捍海塘志一卷 國朝錢文瀚撰

翠微亭題名攷一卷 國朝蔡名衡編

武林掌故叢編 第九集 一

西泠閨詠十六卷 國朝陳文述撰

俞樓詩記一卷 國朝俞樾撰

丁亥春仲

山游倡和詩

張維嘉署



嘉惠堂丁氏槧

山游唱和詩敘

楊從事公濟與沖晦晤上人訪潛子明日乃邀宿靈隱又明日如天竺遂宿於天竺也三人者游且詠得詩三十六篇公濟請潛子前敘潛子讓公濟曰吾不敢先朝廷之士公濟曰此山林也論道不論勢潛子敘非忝也潛子曰諾吾敘然公濟與潛子輩儒佛其人異也仕進與退藏又益異也今相與於此蓋其內有所合而然也公濟與沖晦以嗜詩合與潛子以好山水閑適合潛子亦粗以詩與沖晦合而沖晦又以愛山水與吾合夫詩與山水其風味淡且靜天下好

山游唱和詩敘

一

是者幾其人哉故吾屬得其合者嘗鮮矣適從容山中亦以此會爲難得故惘然嗒然終日相顧相謂幾忘其形跡不知孰爲佛乎孰爲儒乎晉之時王謝許子以樂山水友支道林唐之時白公隱廬阜亦引四釋子爲方外之交其意豈不然哉合之道其可忽乎雲與龍貴以氣合風與虎貴以聲合聖與賢貴以時合君與臣貴以道合學者貴以聖人之道合百工貴以其事合昆蟲貴以其類合不相合雖道如仲尼伯夷亦無所容於世也天下烏得不重其所合乎方二君之來也偪歲除山鬱鬱以春意然代謝相奪乍陰

乍晴朝則白雲青靄絢如也晚則餘冰殘雪瑩如也飛泉泠泠若出金石幽林梅香或凝或散樹有號鳥澗有游魚而二人者嗜山水則所好益得嗜閑適則其情益樂勝氣充浹而更發幽興優游紆餘吟嘯自若雖傍人視之不知其所以爲樂也坐客接之不知其所以爲得也獨潛子蒼顏敝履幸其未游而謂之曰二君之樂非俗之所樂也二君之得非俗之所得也是乃潔靜逍遙乎趨競塵累之外者之事也終之可也因評其詩曰公濟之詩瞻沖晦之詩典如老麗雅健則其氣格相高焉潛子默者於詩不專雖其薄弱疾拙遠不及二君豈謂盡無意於興也藤州譚津東山沙門契嵩撰

山游唱和詩敘

二

山游唱和詩

歲暮值雪山齋焚香獨坐命童取雪烹茗因
思柳絮隨風起之句遂取謝道蘊傳讀之見
其神情散朗故有林下風氣益發幽興乃爲
詩兼簡居士公濟及上人冲晦

契嵩

簷外驚風幽鳥歸窗前獨坐事還稀初看曆日新年
近喜見山林驟雪飛但憶故人能有詠寧懷久客此
無衣鮑昭湯老能乘興城郭何如在翠微

楊蟠

山游唱和詩

一

零落東山老佛師古來獨往似君稀雪邊氣候春將
破林下神情句欲飛後日當尋慧遠社何人更贈大
顛衣一篇感發渾閑事須脫青衫動少微

惟晤

雪滿西山春未歸泉聲凍咽鳥聲稀靜觀眼境大開
渺驅逐詩魔天外飛一飽每將松作飯大寒重換紙
爲衣我憐詩是君家事更約論心極細微

約冲晦宿東山禪寺精舍先寄

楊蟠

上人合動林閒興吾恨衰遲學謝安納屐操筇那有

限吹雲落雨漫無端先憑報信春枝破預想分題雪
屋寒林下不諳人世苦笑將雙鬢與君看

契嵩

襄陽習子不貪官欲友幽人擬道安冒雪履霜臨歲
杪攀蘿挽翠到雲端初論浮世漸年老久對清規苦
夜寒空感知音何以報但誇山水富君看

將訪永安東山禪師先寄 惟晤

庵在千株松桂下更無塵事到夫君高蹤罕過呼猿
澗靜思唯看抱石雲日暮坐閑禽影集雪晴岸畔路
形分揚雄約我須投宿月裏禪餘怯論文

山游唱和詩

二

契嵩

歲晚陰沈天宇昏宗雷訪我更攜君相期石屋宜投
宿獨憩山茨學臥雲雪映窗櫺人已靜風吟燈影夜
初分自憐惠永多閑散強接清言媿不文

宿永安方丈書呈東山禪師 楊蟠

千年道在高僧傳未論詩人更有評曾著文章原大
道獨推性命濟羣生白雲已鎖山閒寺流水空傳世
上名林遠不聞鐘磬作五更幽鳥轉春聲

契嵩

詩豪何遜宿品高品格高卑徹曉評未省窗前無月

到唯驚席上有風生郊超年少徧高隱莊子才雄不
近名明日君歸花落去莫將平叔擬虛聲

惟晤

道安獨繼襄陽踵詩好慵窺雪晝評竹屋數間經幾
載草衣三事傲平生縱陪林下收孤迹難學人間走
大名燈火已殘譚未倦曉風斜雨打窗聲

嘉公濟冲晦見訪

契嵩

數曲青溪山數重山深日暮已鳴鐘忽聞行客門前
語來覓幽人林下蹤初接風流殊歷落更張燈火倍
迎逢不須便去疑無待已有黃糧在宿春

山游唱和詩

三

楊蟠

數百招提隱亂峰蒼茫豈復辨君鐘春舍未得黃鸝
報路轉唯尋白鹿蹤庵在月邊長不鎖興來天外忽
相逢山人莫笑衣冠客亦有鴻來待賃春

惟晤

白雲蒼海一重重傍舍遙聞隔塢鐘月上更無人語
聞雪深空認虎行蹤詩書共喜燈前論茗果翻疑夢
裏逢脫屣高譚無限樂煨鑪寒擁日高春

游靈隱遇雨呈普慈及二詩翁

楊蟠

山老未容山客去故將雲陣鎖山門雨催晚色凝諸
嶺雷送春聲落後村今夜青林妨月上故人白首把
詩論來朝山水終瀾汎策杖相隨討澗源

契嵩

暮雲將雨苦紛紛看雨攜君倚寺門飛鳥驚雷歸後
塢落梅流水出前村名山當爾何須去勝事而今更
好論況有禪翁通妙理徘徊重欵扣真源

惟晤

雨洗羣山秀色分一筇雙屐到松門天邊雲散爭歸
洞島外樵還各占村久著青袍心已厭相看白首事

山游唱和詩

四

休論請君細問黃梅老當信禪河別有源

同公濟冲晦宿靈隱夜晴 契嵩

不睡還烹北苑茶寒燈落盡適來花夜深雨過山形
出天淨雲空月色佳且喜僧窗晴似晝莫論人世事
如麻况陪支許皆能賦豈厭畱詩在碧紗

楊蟠

山風亦會山人意卷盡天紛掃雪花明月當樓情已
興碧雲落紙句還佳天威忽霽應通物仙侶相便合
姓麻羣動已消林木響臥看星斗隔窗紗

惟晤

戰退睡魔重酌茗再披文卷眩生花喜逢長夜身雖健勉和新詩興未佳風細猿聲清似梵月明杉影密如麻臘寒燈炷飛蛾滅何必殷勤護碧紗

早過天竺呈明智及同游二老

楊蟠

雨夜靈峰臥竹牀平明屐齒到雲堂門前雨過新溪滿石上風回舊草香山抱鐘聲圓不散雪鋪瓦面冷無光理公莫怪詩相惱今日偕行總姓湯

契嵩

澗北夜依禪舍宿峰南今訪講師堂初行松路愛清

山游唱和詩

五

曉及過石橋聞異香日色煖烘諸壑淨晴嵐翠潑幾峰光道標尙客何高趣更飲吾曹柏葉湯

惟晤

曉過翻經臺下寺與君同謁祖師堂庭前紫桂葉頻脫石上紅梅花正香出洞陰雲分遠影挂松寒日漏清光謝君勸飯須無讓不許非時薦茗湯

南澗傍游戲呈公濟冲晦

契嵩

相引朝來碧澗傍山林雪盡水流長未應驚鳥下苔岸先共觀魚跨石梁日澹沙寒鷗自聚歲闌春入草含芳鮑昭湯老須同詠何必人閒萬事忙

楊蟠

澗南一畝清風發林下重來白日長雲遠石深連鷺嶺水寒沙淺似魚梁漫因野老詢前事閒伴幽人損眾芳更欲窮源情未已知君嗔我索歸忙

惟晤

撥雲過得南隴去流水激澦一澗長盤石誰堆補缺岸老松自倒成危梁沙禽呼雌頻叫噪山藥吐色常芬芳臘去春歸山愈好喜君共無塵事忙

游天竺上寺呈東山仲靈冲晦

楊蟠

山游唱和詩

六

入林已忻猿鳥樂共傲浮生勝大還身外是非雲不繫社中畱戀雨相關籃輿寂寞窺彭澤拄杖風流肖德山寄語葛洪岳下水莫流清夢落人閒

契嵩

共訪迢迢深塢寺仍隨野老賣樵還鳥棲已定人方到暮色雖濃門未關今宿岳房休問法來朝臘屐重登山平生勝友殊難會莫厭相攜寂寞閒

惟晤

天寒雨細日將暮泥滑誰禁策馬還砂穴吐泉鳴決決竹叢歸鳥語關關聊睇謝客須穿屐莫羨支公獨

買山方外論交情未淺願陪投老白雲閒

同公濟冲晦游天竺兼簡呈伯周禪老

契嵩

愛此蕭然松塢深詩流邀我此相尋蒼茫寒日纔開
霧縠凝濃雲又結陰安石放懷還劇賞皎然乘興合
清吟主人勸駐禪扉宿况值梅香正滿林

楊蟠

不問猿崖鳥道深攜筇著屐伴君尋山中桂子驚寒
夜雪後梅花偏歲陰欲住更逢青眼顧相看須盡白
頭吟他年若續高僧傳未放湯休與道林

山游唱和詩

七

惟晤

平昔詩禪友契深更來人外事幽尋雨餘澗壑流寒
響巖晏檉杉老翠陰袒跣不妨陶令醉風流多傲洛
生吟山翁解榻延清賞未放前賢勝竹林

宿天竺再贈東山禪師與冲晦

楊蟠

仲靈述作慙知已冲晦篇章竊賞音勝侶俱恬山水
樂神交已過雪霜深燈前自笑平生事雨後重論一
夜心相檢莫教詩閒斷更闌同聽夜猿吟

契嵩

沈侯才雋冠儒林詩語驚人金玉音學海平生慙我
淺詞源今日羨君深強睎老格須張膽喜聽清言更
洗心廣唱苟能容累句漫陪梁父讀高吟

惟晤

燈火青熒雲塢寺清猿叫斷有餘音檻梅雪白春風
近山雨盆傾澗水深背世跡憐高鳥跡結交心契老
松心訓君秀句無新語徒攬詩腸徹曙吟

宿天竺寺賦聞泉呈二老

楊蟠

我有泉中興平生愛水經山空時決決夜靜轉泠泠
暗脈來湍急清聲出混冥月寒風不響高枕與君聽

山游唱和詩

八

契嵩

巖晏林閒宿初聞况夜晴漱寒醒客夢飛響應山鳴
深澗松風靜幽人石室清誰人能爲我寫此入琴聲

惟晤

澗泉吾所好山舍寂無喧春脈生雲底夜聲來枕前
風休不動竹月上未曉猿石上鳴逾急泠然清夢魂

送公濟冲晦出山兼簡駐泊李思文

契嵩

幾日山游霰雪稀相隨野老亦忘機始憐洞裏雲堪
臥又憶人間巖杪歸夜落梅花應滿路風含春色自

吹衣憑君爲語王孫道音信終須寄鳥飛

楊蟠

臘後東風埽翠微同看芳柳破春機三宵聽水都無夢四日登山未肯歸野老止憑雲送客家人應笑雨霑衣君詩兼簡佳公子只恐囊傾一夜飛

惟晤

招攜綠野村邊去累日青山曠世機惜向永安蘭若別還經靈隱渡頭歸雲峰積雪迷樵徑石罅新泉濺客衣詩會未由陪帝戚心隨雲鳥入城飛

游山歸遇雨呈仲靈冲晦

楊蟠

山游唱和詩

九

九里松門雪過時籃輿裊裊松枝雨畱宿客遠斜落風送行人亦倒吹華表忽驚黃鶴反耳中猶帶白猿悲來朝弗著登山屐可避君呼謝客兒

契嵩

嚴維靈徹出山時避雨曾聞礙木枝歲杪霜寒何足畏管中春色已堪吹風含鐘韻凝還散水結溪聲咽又悲鬪草野游君莫笑初平元是牧羊兒

惟晤

興高未肯輟清詩捨轎重扶櫛栗枝松柏青肥春雨洗煙雲輕健澗風吹樵歸後塢連聲唱鹿過前溪失

隊悲莫道還家甘寂默陶潛自有五男兒

山中回憶東山老

楊蟠

山游興發特尋君屐齒筇枝繞四鄰峰北看雲忘世務澗南聽水得天真名高寂寞存僧史林下風流似晉人何日枇杷苦筇熟卻游未減去年春

杞熟之句

君去年有苦筇上枇杷

契嵩

君事逍遙入亂雲與君躡屐徧溪鄰林閒聽鳥聞偏好煙際觀山見匪真澗水只能忙送客巖花不解畱人樂天更有龍門約勝會應須趁早春

山游唱和詩

十

連得公濟出山道中見示二篇鄙思枯澗奉和不暇且乞罷唱

契嵩

詩篇畱落野人窗又得虞卿壁一雙怪似蛟龍出古水清如日月浸秋江賡吟何止夸山澤變雅終須繫國邦爲報詩家驍將道雪關休唱已心降

楊蟠

幾夕論詩坐石窗憐君百首妙無雙句牽野興侵孤月惱亂詞源湧大江數紙忽然來竺嶺千年猶可照吳邦相思未免還相挑莫豎旗旛卻詐降

出山至中途寄永安禪師 惟晤

松行未盡卻回頭寒雨霽電已漸收望海閣邊雲繚繞行春橋下水奔流山庵驟別高譚遠城寺將歸滿面羞須微著書同護法悠悠人事漫拘囚

契嵩

忽憶山中人白頭歲闌來看雪初收詩篇見賞皆高興謝客相隨匪俗流漫有巖雲供夜臥况無土食備晨羞愛君吟詠殊堪聽金玉聲音勝楚囚

公濟冲晦出山次日奉寄 契嵩

孫綽曾倍支遁游千年人謂兩風流羨君慕此乘雙屐結侶還來共一邱衣冷雪霜猶未去興高雲月肯

山游唱和詩

二

甘收耽詩重道皆無比應敵當時萬戶侯

楊蟠

猿聲未落鳥聲愁筍發花開澗水流還對春風驚節物漫思野老傍林邱古人得道多深隱賢守知名貴早收林下頻過君莫怪自看骨相匪封侯

惟晤

今日追懷昨日游二君乘興似奔流遠尋幽壑行拖屐累到深雲臥枕邱崖竹蕭疏晴影亂塢梅零落晚香收會須重訪藤州老更約高才沈隱侯

契嵩

樂天已與廣宣游更出風塵外俗流酒聖盡能非畢卓詩仙皆欲接浮邱

開公濟與冲晦游斷此輩酒多隨其奉戒篇章逸處

江山動畢硯閒時雲雨收况有聲名俱籍甚並飛南北動王侯

契嵩

歲暮還西塢寄公濟無咎

楊蟠

乘興溪邊去仍從林下歸梅香帶春信日色煖人衣白髮思還遠清流遇更稀野禽寧會意相顧向柴扉

山游唱和詩

三

聞說西庵好藤州恐不歸延年松可食避世草堪衣

咎元

山塢雪應滾林端梅亦稀猶憐二禪老佳句及城扉野步溪流靜源深興未歸晚禽棲雪竹殘霞灑禪衣

惟晤

放意天涯遠狂吟人落稀詩成寄吾侶清氣動林扉

白髮東山老青林西塢歸聽猿時駐錫厲水自褰衣

寄東山禪師

楊蟠

高論才難敵孤蹤行亦稀慚君寄樵采佳句出巖扉高臥西林月孤閒獨見君杖藜探澗水欹枕看山雲鹿過何人見猿啼只自聞篇章知幾首寄我莫辭勤

契嵩

脩然林下隱吾道異夫君習忍如幽草觀身類片雲
人情無意染鵲唳有時聞謝客詩懷寄憐君此興勤
蟠雪夜登湧金樓遠望西山憶仲靈灑然有
邁世之風因思山陰王微之雪夜獨酌四望
皎然徘徊詠左太沖招隱詩忽憶戴逵扁舟
乘興余恨未能遂往聊寄此詩

楊蟠

家占西湖島上雲雪光月色更侵魂興來爛漫心空
老詩罷蒼茫眼正昏晉國衣冠何處覓梁朝殿閣儼
猶存思君不及山陰夜遙望青松聽雪猿

山游唱和詩

三

契嵩

眼色陰森雪和雲故人當此動吟魂煙凝火冷萬家
靜水色山光竟夜昏興發晉賢前古遠詩傳蕭寺邇
今存春歸巖壑多芳樹漫欲邀君同聽猿

寄勉冲晦速和拙作

楊蟠

冲晦僧儒詩者豪尤憐賴汝壯方袍一千篇興時無
敵三十年功格最高白髮逢春今更勇清吟徹老莫
辭勞何朝始肯將珠玉卻報仙人換木桃

惟晤

杜門誰復念吾曹老畏春寒擁毳袍懶慢從來徒自

笑唱訓今更怯君高曾無道譽喧喧播厥把肝脾苦
苦勞佳句忽來催野句譬將凡果倡仙桃

新歲連雨不止因寄公濟兼簡賢令強公

契嵩

寒郊纔喜歲華新景物陰陰又一旬雲帶天低垂壓
野雨藏春晝暗迷人寧愁燈火妨明月卻歎詩家惜
令辰陶令而今臥江國倚樓吟望更誰親

楊蟠

林扉厭聽雨聲頻爲惜春風只九旬裊撲山花將放
杏侵尋歲月已過人何時好去游南澗每夜空來望

山游唱和詩

十四

北辰愁坐更無車馬客獨憐詩筆謾相親

觀仲靈久雨詩且道余與公濟吟從之意輒

次韻奉和

強至

詩興句牽日日新年光初破雨彌旬舊游已得新工
部佳句今逢休上人仲靈文章大手非特
休此比以詩言耳雲外馳心
關水石江邊搔首望星辰泥深未愛尋山屐誰與西
庵杖屨親

強至

吟思那知歲月新初鷺唳雨早經旬娟娟野竹通寒
水洗洗江梅冷照人鶯嶺並游勞夢寐虎溪一笑尙

參辰千金衰字形篇尾跡未相同意已親

又次韻李奇強令

契 嵩

冉冉流年年曆新仲春春日未盈旬何爲萬里青雲
士來問雙峰白髮人詩思雅驚含老格風神清爽惜
芳辰况聞傲令陶元亮牕展須來與我親

強 至

千年支許事如新欲寄前游漫歷旬雨帶黑雲遮俗
客猿呼飛鳥伴幽人從容劇論知何日感激佳篇慰
此辰四海聲光非鑿齒道安名重若爲親

山游唱和詩

圭

山游唱和詩

山游唱和詩後敘

公濟初與潛子約爲詩前後敘潛子不自知量既緒
其端公濟乃謙讓不復爲之然詩之意所敘未盡始
公濟視潛子山中值雪詩愛其孤與獨往謂瀟灑有
古人風遂浩然率冲晦袖詩尋之留山之意極欸曲
潛子亦以公濟既相喜好其意非常頗不自拘介樂
與游詠潛子禪者罕以思慮亂在吳中二十有餘載
辱士大夫游從數矣如故侍郎郎公之顧其最厚深
郎公又以詩名顯天下而潛子奉其唱和亦不類今
恣肆而不自慎也然潛子雖固平生長欲歸於高簡
雅素如支道林廬山遠者爲方外人患力不足及之
雖然老矣而吾方袍之徒肯相喜而從其游者幾其
人乎公濟儒者才俊與予異教乃相善如此之懃也
此不與游且詠而孰與游乎唱和總六十四篇始山
中游詠而成者三十七篇其後相別而諸君懷寄度
唱往來者又二十七篇並編之爲集嘉祐己亥仲春
之五日潛子復題

山游唱和詩後敘

一

光緒甲申四月

錢香賦

陶潛宣署



錢唐嘉惠堂丁氏重禁景宋本

聖宋錢塘賦

丹陽葛澧

錢塘據東南之都會號天下繁盛之樂土其山川之秀麗并邑之浩穰人物之豐景概之美詳詢熟覽實浮于名攷按圖籍見于前人之稱述備矣因撫其大略總而賦之其辭曰

茹華大夫遺棄歎塵采擷芳英窮足力之所暨徧九垓而週行想見東南之域有名區焉據一方之都會萃萬景而敷榮贏糧首途薦罹寒暑始入其城倘佯蹀躞四縱觀覽紛錯呈露莫能識覽目眩神聳惕慄

錢塘賦

一

而驚稔聞摘藻先生謝迹人寰屏除俗慮繹黃庭之祕術獲征僑之高趣眠雲嘯月隱林泉之勝處迺滌垢心齋鞠躬緩步徐屆衡門情懇厥故曰先生高卧久矣斷有攸聞願洞開而悉諭先生飄然笑曰眡子辭氣若有所覩有弗當于中心者乎豈生于偏城下邑而未究雄藩巨鎮之浩穰也邪子來前予語汝粵若一氣肇分二儀聿建有清有濁或合或散凝爲山嶽融爲河漢五方各殊號名爰辨鳥策篆素文該迹備顧茲都督之大府上當星紀之躔次驗夏書之所別爲揚州之內地春秋之際屬吳春秋之後屬越嬴

秦統于會稽歷世藩于東北至陳始建錢塘之號當
隋重置杭州之額總管府立于仁壽初餘杭郡更于
大業末唐武德時因名于開皇李子通後嘗陷于公
祐及正觀之休明隸江南之疆場開元中分東道之
采訪乾元來歸江西之觀察厥後景福間初鎮海軍
之節度

聖宋淳化制寧海軍而改易有山有川有市有廛提
封千萬井丁黃幾萬千景概之佳美百物之富繁可
指而言焉七雉維高數尋維厚轟然屹然長雲斷岸
敞巨高臺穿巨庑寶釐巨陶篋覆巨鴛雷其出入有

錢塘賦

二

議其啟閉有守內足巨衛居止外足巨禦戎寇周袤
連互五十餘里耽耽然虎踞麟伏羅峯列岫是爲州
城中則有東西之陌南北之阡四達之衢九出之
達開通且長方軌甚夷清流中貫蕩漾漣漪畫艦來
艤郵亭枕潯諱禮會別去思披雲寶石七星清輝吳
門彩虹橫帶欄楯夾烝常樂延寶千秋普明清湖眾
安通仙都亭綺分瓜列各撫界分時則有壩南壩北
南城西城開道奉國溫泉水明中棚清波朝天清平
巡邏糾禁晝警宵繩剖析途巷標題坊號時則有通
和延福廣文常慶興禮會昌義和從訓慈孝清觀安

國延定通寶豐財紫雲立政大書深刻誇詡爭勝坊
中則有塹茨之垣墉肯荆之堂室上棟下宇以避燥
濕構廬關鍵墻揮地闌綠牕朱扉畫簾繡幕聳樓閣
兮千門叢綺紉兮萬闕或對牖而宵瞰或面水而穩
植崇庠列峙交措雜出如櫛密比如鱗疊集夫家於
焉而樂生稚艾於焉而燕息鑿井渴飲實廩飢食漢
志載用物常足之言隋史有尙禮諱厲之說牧之具
甲于天下之稱居正敘繁會雕麗之迹邑屋華麗文
忠公之記可稽萬屋相誇王文公之詠紀實蔡侯云
爲一都會呂公云爲天下劇伯鳳言地多奇勝沈立

錢塘賦

三

言人物安逸世守良工競精舊業績畫函韞刮摩搏
埴裂帛之規裁木之鉅初物器具交特源挈自所爲
備纖微罔闕背竄就攻豐阜積帶學古者不知力農
之勞通衢者不知伎巧之法熙熙陶陶含哺鼓腹沐
浴皇靈優游化國其阜通縑賄懋遷化居則建垂旌
之思次分朝夕之三市旗亭五重俯瞰百隧列族聚
貨通闔達闔陳次有所次敘有地度量有式僞飾有
禁大賁小劑亮執其言胥師肆長各謹其令江帆海
舶蜀商閩賈水浮陸趨聯檣接武紅塵四合駢至叢
貯儼嘉泉膠揮袂觀舉息操倍徒功辨良苦迺有安

康之麤金白膠汝南之著草龜甲上黨之石蜜黃布
劍南之縞紵賤錦其他球琳琅玕鉛松怪石蟻珠壓
絲柁榦枯柏金錫竹箭丹銀齒革林漆絲枲蒲魚布
帛信都之棗固安之棗暨浦之三如奉化之海錯奇
名異狀夥够堆積貿易者莫詳其生博洽者疇克徧
識其承流宣化聽訟訊獄則有官府焉貴有正有貳
有寮有屬賤有府有史有胥有徒牧伯之宇雄峙于
爽塏廉按之司對列于通衢繡栢雲楣鏤檻文槐環
幹虹梁藻井椽桴長廊廣廡連閣閉庭硬礧緻砌渥
彩紛敷塞門內立儀簷豁如於以植其畫戟於以通

錢塘賦

四

于輶車列銀垂厭警戒不虞詔條自是以宣揚吏民
於焉而奔趨聯識之第綱等並建征商之局據要閭
居御名扉靜兮束矢罕入帑藏啟兮金帛廣儲鏐鑿推
酤秉式法而受授常平鎮城積紅腐而羨餘其歲月
有會諱有計其參廟有籍有書庭無壅滯繫師帥之明
健人恥鬪訟由易俗於恬愉其職供正取時運而益
大府之用其休聲美政時傳而達天子之都毓材養
士有學官焉隸集有舍勸講有堂模範有師切憫有
友升降以齒而人遵長幼之序漸磨有素而俗安禮
義之守春秋祭享多儀必舉由是習先王之典歲時

較藝工拙精分由是勵循循之誘故得圃澤之多賢
妹邦之君子楚材南金汝穎神錐鼓篋朋來袍紛驚
集俎豆莘莘獻酬交錯歌唐頌虞泳仁蹈德長者皆
不厭二佻幼者亦克岐克嶷日就月將自強不息人
人號爲書淫處處稱其傳癖念夏侯拾芥之言慕諱
榮稽古之力杏檀茂蔭扇習習之清飄泮水澄波漾
明明之皓魄衣冠不特盛于鄒魯斷斷豈專美于洙
泗輔助文德有武備焉養民稍食衣民帛絹會民什
伍居民營屯駐泊崇節龍山水軍船務寶興捍江牢
城統目節制訓目五兵淬刃沙浦刷馬江濱大閱有

錢塘賦

五

時賞罰有經或揮左或揮右或三令或五申暨暨詔
詔堂堂烝烝跼踣踣感懔懔肅肅密須之鼓闕輦之
甲繁弱烏號黃閒干鈞枉絜殺鍛龍藻龜文偏整重
襲矛鋌飄英奮烏合今其陣猛厲鷹揚兮其敵勍稔
坐作進退疾徐疏數之節熟鉦鐸鐸鐸旗旂公稍之
名器用犀銳人習精明陣整魚麗法嚴柳營勇者壯
者大以備不虞不庭弱者脆者小以充執役使令足
以鎮南國之疆宇足以暢皇家之威稜府地之北有
吳山焉巖崿雷騰峻嶒嶒嶒嶒道邇倚刻隋可步英
烈廟庭架植其所伊昔楚國有臣子胥憤讒夫之寢

潤哀天屬之非辜解劍以析漁父渡江而犇東吳五
戰至郢而昭王去破冢鞭尸而宿恥已除聲光既
振措國強盛南服越人北威齊晉徙閭閻之撫封實
子胥之輔政逮夫差嗣立宰詔用事納句踐之幣遺
欲伐齊而肆志雖輸忠諫之諫覬席君心莫逃讒佞
之謀終行詭計於戲身雖殞而德愈光事雖往而名
彌彰致黔黎之愛慕建祠宇於高岡以迄于今餘千
禩矣回廊邃殿覃覃增壯直誠大節藹藹芳顏貌
如生濟濟鏘鏘屏夫觀之而激懦志烈士過此則厲
剛腸駭駭巍巔夏屋大啟夷弗歲歲嘯嘯摧摧越軼

錢塘賦

六

埃壙炳耀畦韡仰攀雲兮俯杳眇是爲堂兮曰有美
坻嶸棧巖控壓羣峰飛輦老拱誕豁雲際前瞻後盼
左顧右睨江湖芻芻波瀾蕩沃翠屏碧嶂極目無翳
夫尊榮之飾必因聖人吟詠而後得誰其詠之我
仁宗皇帝夫景趣之佳必待賢者輯治而後顯疇其
輯之前守臣梅摯由是天下想望而玩慕邦人咨嗟
而欣憲當其陽和煥發景物華鮮值清明之後或禁
火之前依依之綠野無際茸茸之芳草連天撲春歡
之燕乳啼春恨之鶯遷汀蒲岸柳之曼娜紅葩綠萼
之芊綿都人士女妒豔爭妍腔香嚮擁翠軒闥郭溢

郭累迹差肩駢衍秘路要遮鮮扁水畔遲遲問誰人
之祓禊林梢隱隱知何處之鞦韆若日山之氣候則
變態而無窮卻躬遠望穹林隱藪出沒於杳靄嵐光
翠色合散於空中移跼近觀低坡崇岌彌絡開奠幽
禽野鳥嘲啮舞歡州城之外有西湖焉泉流瀦匯廣
深停蓄滌滌潏潏止而清些瀾洶瀦瀦動而聲些沙
洲之垂柳綻嫩波心之浮圖弄影湖中迺有千艘荃
橈萬舸桂楫綈纚輕維蘭棹闖捷行客遊人旁午雜
還或浮泛綠漪之上或艤泊他山之齋梵宇樸緡峰
巒礪齧相攜首東水心定水崇福興福惠明妙惠法

錢塘賦

七

善土宿其山有若竹園其嶺有若鐵堊其亭臺則有
眾樂集賢在焉徙履回南淨慈佛慧招慶普寧淨因
淨相眞如寶林其山有若南屏其嶺有若慈雲其亭
觀則有發符白蓮在焉縱步尋西惠因香積法雨法
空廣果資國正濟六通其山有若靈石其嶺有若麥
嶺其亭檻則有流杯涵溪在焉隨徑徂北菩提招賢
寶積寶雲普濟寶勝智果壽星其山有若巾子其嶺
有若衣眉其樓臺則有看經英游在焉傍西深入巖
谷益秀上下天竺靈隱靈鷲爭出奇嶽互獻重岫烟
籠黛染澤通雲覆十里之松徑陰陰萬脉之列泉溜

溜又其西則南北高峯獨透羣嶺之表亭亭挿天訖費浮雲在其下而可以攀瑤光曳玉繩者也植中巖巖則有孤山西林報國崇因廣化開闔扉楹層廟碧瓦或跨閣于陛砌或引泉于堂下在昔林逋傲世嘉遁慕冥冥之高飛潔皎皎而率性幽居遂志遺累深隱飄飄杖履泛泛小艇去尋精刹步隨幽徑縱鶴翔雲延客反命長留長者之車屢至公卿之迎蕙帳久虛而遺跡永存幾換園林而猶佳故境芬芳播傳而不泯湖山得是以增勝誕安步履則有長隄隆隆防障橫卧湖心其長千尋其廣並輪增卑培薄完繕砥

錢塘賦

八

平跨以徒杠夾以柳陰其他巖曰玉女佛手洞曰烟霞香林石曰纜船隱士峯曰蓮花白雲亭曰夜講映發塢曰大慈楓林塔曰慈雲黃皮澗曰呼猿石門井曰金沙烹茗庵曰永安寶雲泉曰虎跑卧犀池曰定箭湧金錢源龍澱袁松陳檜渦渚別嶼塢漾曲水綠竹有並生之奇偃松有八面之美小嶺有飛來之號高臺有翻經之志畫橋碧沼觸處逢之月觀歡亭時時見矣或遠或近四週環列妙景幽趣殊蹤異跡名不可以殫紀足亦躋於徧歷供騷人無窮之吟付丹青意外之筆故張祜載樓臺高聳翠岑之言賈島有

烟濃景晚難狀之迹春波千頃見文正之句魚躍鰾嘶形舜欽之什楊蟠以百詠而譽佳元之以畫圖而顯飾每歲孟夏初旬八日郡人數萬以胥會競縱羽鱗而祈福者天禧中故丞相王冀公始請爲放生之會也水涸則草生水淺而葑橫深虞堙塞之漸力陳浚治之言者元祐歲前內相蘇東坡敷奏乞興役之策也廣乎大哉東抵郭瀝之境西接新安之際申畫郊圻幾七百里之地若稽古先建邦蕃衛以守民社以壯形勢設濬備具莫盛於成周之世析之則有鄰有比統之則有鄉有遂豈王畿特私然舉六服

錢塘賦

九

皆若是故得內外同歡遐邇均惠國家大猷是經議事以制窺觀典則損益其事總之有州附之有縣縣則分鄉以識別鄉復分里以表異惟此錢塘疆界既廣故立縣有十而縣之所治九十二鄉鄉之所管四百二十有七里二字廟諱遼臨迺疆迺里其爲縣也錢唐置號以華信出私錢而築塘餘杭立名因秦皇舍舟航而登陸於潛鹽官始自漢家臨安富陽更由晉室孫吳分富春而剡新城之邑

我宋以仁和而易錢江之目南新立當淳化之年昌化改在太平興國或爲緊或爲望或爲中或爲上其

爲鄉爲里制名取義亦各有所因焉如曰七賢因覩
僊客如曰新登因更縣額若茲之類有所因而名鄉
者也如云勳貴因命錢鏐如云白雀因見白雀若茲
之類有所因而名里者也生齒居聚畜牧養蕃有場
有圃有廬有園有桑有梓有林有泉興烟相望雞犬
相聞隱隱振振綠垣綠縣聯稱秀菰穗象耕鳥耘寶華
鄉之重柁散澁皋之香杭俗享再稔之利婦蠶八育
之縣家蓄鶴膝之器戶街犀渠之精出入足以相友
賙救足以相生閒暇足以相樂急難足以相存頌白
不負戴于道幼疾各得所而安吳地舊俗歷世仍傳

錢塘賦

十

尊釋氏以崇奉習巫覡以相先故蓮宮紛置五百三
十有二而祠廟建立一百七十有三其爲寺也在內
則有若承天梵天廣慧竺林淨戒淨住明心法雲靈
邦延壽仁王國清寶月翠峯澄鑒福明在外則有若
寶輪龍光書錦瑞竹朱金龍華雲霄淨福靈耀普光
圓通正覺昕慈靈巖忻平石室紺園洞啟淨土廣闢
殿閣橫敞廊廡深邃寶相璘瑯花香列衛光以聖丹
飾以金貝珊瑚琳碧瑞珉翟翠藻繡織縹瑰奇屬綴
雕檣繪椽爭華競麗幡幢互出搖搖曳曳梵歌唄音
磬低鉢厲晨魚數擊散落民家暮鐘杳杳縱橫四起

其爲廟也近則武烈普濟福安福利福隆廣靈武靈
衛靈保定立德護國始興夫差皋亭威勇老人遠則
保慶興聖彭澤七松隆福迎陽安惠桑亭廣慶懷柔
徐偃郭文塔山松溪白石崇靈雄姿偉貌仗衛森然
或因功血食或以德顯名或當朝近世或數百千齡
載於祀典咸秩其文傳記紀厥美實金石播厥馨芬
至若早潦流行札瘥驟起竭歷虔禱肅將祀事上致
威格默符人意故茲信仰弗怠弗替若夫疆固形勢
則有羣山焉鳳凰白鹿秦望鑿石功臣衣錦壁茂安
國岵嶠金牛流襄峻立石甌金現玉座與邑阿頂獨

錢塘賦

十一

角金樓華石峴曰顧望廟曰仙姥嶺曰金鵝峯曰卓
筆巖則虎頭雞棲龍池朱積惟名山暨幽洞多異事
及靈跡或振奇於一時或罕聞於曩昔如臨平山石
鼓嘗出唯張華有言用蜀桐可擊天井開兮涸溢茂
增損龍洞闊兮源深不可測如仙姥廟裴姥嘗居采
眾卉之華藥因釀酒以當壚異人來飲授藥與俱如
曰僊坑則有僊客回鸞駐蹤雖有獵徒之偶到第見
白鶴之飛空如曰金錢有僧智度棲隱山巔忽覩神
人之出現因建精舍以相傳言其山勢崇崒峻嶒屹
豈岩峩崑崙崑崙崑崙崑崙崑崙崑崙崑崙崑崙崑崙